

JAWAPAN SOALAN PERSIDANGAN DEWAN RAKYAT

**PERTANYAAN BERTULIS : TUAN BUDIMAN BIN MOHD.
DARIPADA ZOHDI [SUNGAI BESAR]**

JAWAPAN OLEH Y.B. MENTERI PENDIDIKAN MALAYSIA

PERTANYAAN BERTULIS

Tuan Budiman bin Mohd. Zohdi [Sungai Besar] minta **MENTERI PENDIDIKAN** menyatakan usaha-usaha yang sedang dan akan dilakukan bagi memastikan sasaran seratus peratus kanak-kanak mendapat pendidikan asas persekolahan rendah dan menengah dapat dicapai menjelang tahun 2030 selari dengan agenda pendidikan global Pertubuhan Bangsa-Bangsa Bersatu (PBB) iaitu Education 2030.

JAWAPAN

Untuk makluman Ahli Yang Berhormat,

Kementerian Pendidikan Malaysia (KPM) terus komited dalam memastikan sasaran seratus peratus kanak-kanak mendapat pendidikan dicapai menjelang 2020 sejajar dengan aspirasi *Sustainable Development Goal (SDG) 4*. Matlamat ini adalah sejajar dengan keberhasilan melalui Pelan Pembangunan Pendidikan Malaysia (PPPM) 2013 – 2025 yang sedang dilaksanakan. Antara usaha yang sedang dijalankan untuk prasekolah di bawah PPPM 2013 -2025 adalah meningkatkan jumlah pembukaan prasekolah baharu termasuk prasekolah untuk kanak-kanak berkeperluan

khas dan pendidikan inklusif dengan menawarkan geran permulaan prasekolah swasta. Selain itu, KPM juga berusaha meningkatkan kesedaran ibu bapa untuk menghantar anak-anak mereka seawal 4+ tahun melalui program *outreach* di samping memberi bantuan yuran prasekolah swasta dan menyediakan geran permulaan prasekolah swasta.

Bagi pendidikan peringkat rendah dan menengah pula, tambahan kepada program intervensi sedia ada dilakukan seperti sekolah asrama harian, sokongan kewangan, bantuan pengangkutan dan sebagainya. KPM juga memberi lebih penekanan dalam peningkatan akses ke pelbagai laluan dan peluang pendidikan seperti Kolej Vokasional, Sekolah Seni, Sekolah Sukan, Sekolah Aliran Agama dan Sekolah Dalam Hospital. Kepelbagaian ini mampu menarik minat dan mengekalkan murid untuk berada di sekolah. Selain itu, KPM juga bekerjasama erat dengan agensi-agensi lain, pihak swasta dan Pertubuhan Bukan Kerajaan bagi mengumpul data enrolmen kebangsaan dan menyediakan pendidikan khusus bagi kanak-kanak yang berisiko tercicir dan tidak bersekolah.